

# Akashvani, Sambalpur

## SAMBALPURI NEWS EVENING BULLETIN

12 October 2024- 7.02 pm- 7.12 pm.

\*\*\*\*\*

୧- ରାଜ୍ୟର ଶକ୍ତିପୀଠମାନଙ୍କେ ଜଗତଜନନୀ ମା' ଦୁର୍ଗାଙ୍କର ଦଶମୀ ପୂଜା ଆର ମଣ୍ଡପ ମାନଙ୍କେ ଚାଲିଛି ମହାନବମୀ ପୂଜା ।

୨- ବିଜୟା ଦଶମୀ ଉଲ୍‌ଗୁନେ ଦେଶବାସୀଙ୍କୁ ରାଷ୍ଟ୍ରପତି ଆର ପ୍ରଧାନମନ୍ତ୍ରୀ ଜନାଲେ ଶୁଭେଚ୍ଛା ।

୩- ପ୍ରଧାନମନ୍ତ୍ରୀ ଇଂଟର୍ନସିପ୍ ଯୋଜନାଥି ଆଏଜଠାରୁ ମୁଲ୍ ହେଉଛି ଆବେଦନ ପ୍ରକ୍ରିୟା ।

ଆଉର

୪- ଆଏବା ୨ ଦିନ ଭିତରେ ରାଏକୁ ଦକ୍ଷିଣ ପଶ୍ଚିମ ମୌସୁମୀ ବାୟୁ ଫିରବାର ଅନୁମାନ ।

## ଦୁର୍ଗାପୂଜା-ବିଜୟାଦଶମୀ ଆର୍ଷନ୍/ କଟକ

ଆଦ୍ୟାଶକ୍ତି, ଜଗନ୍ନାତ୍ରୀ, ଜଗତ୍‌ଜନନୀ ମା ଦୁର୍ଗାଙ୍କର ଆଦ୍ୟ ଶକ୍ତିପୀଠମାନଙ୍କେ ଦଶମୀ ପୂଜା କରାଯାଉଛି । ଗାଁକୁ ନେଇକରି ସହରତକ୍ ମଣ୍ଡପମାନଙ୍କେ ମୃଣ୍ମୟୀ ସାର୍ବଜନୀନ ମହାନବମୀ ପୂଜା ଆର୍ ସଖାଲୁ ହୋମଯଜ୍ଞ ମୂଲ୍ ହେଉଛି । ସେନ୍ତା ପୁରୀ ଶ୍ରୀକ୍ଷେତ୍ର ନ ମା ବିମଳାଙ୍କର ଆଦ୍ୟ ବିଶ୍ରାମ୍ ପୂଜା ହେଉଛି ।

ବିଜୟା ଦଶମୀ ଅବସରେ ରାଷ୍ଟ୍ରପତି ହ୍ରୌପଦୀ ମୁର୍ମୁ ଦେଶର ଲୁକ୍କୁ ଶୁଭେଚ୍ଛା ଜନେଇଛନ୍ । ଇ ପର୍ ଅନ୍ୟାୟ ଉପରେ ନ୍ୟାୟର ବିଜୟ ଆଦ୍ୟ । ଇଟା ସତ୍ୟ ଆର୍ ନୈତିକ ମୂଲ୍ୟବୋଧର ପ୍ରତୀକ ବହନ୍ କରୁଛି ବଳି ରାଷ୍ଟ୍ରପତି କହିଛନ୍ । ସେନ୍ତା ପ୍ରଧାନମନ୍ତ୍ରୀ ନରେନ୍ଦ୍ର ମୋଦୀ ଦେଶବାସୀଙ୍କୁ ବିଜୟା ଦଶମୀର ଶୁଭେଚ୍ଛା ଜନେଇଛନ୍ । ମା ଦୁର୍ଗା ଆର୍ ପ୍ରଭୁ ଶ୍ରୀରାମଙ୍କର ଆଶିର୍ବାଦ୍‌କୁ ସମସ୍ତେ ଜୀବନ୍ର ଫି କ୍ଷେତ୍ର ନ ବିଜୟ ଲାଭ୍ କର୍ବେ ବଳି ପ୍ରଧାନମନ୍ତ୍ରୀ କାମନା କରିଛନ୍ ।

ମୁଖ୍ୟମନ୍ତ୍ରୀ ମୋହନ୍ ଚରଣ୍ ମାଝୀ ଆଦ୍ୟ କଟକର ପୂଜା ମଣ୍ଡପମାନଙ୍କେ ବୁଲିଥିଲେ । ସେ ଜଗତ୍‌ଜନନୀ ମା ଦୁର୍ଗାଙ୍କୁ ପୂଜାଅର୍ଚ୍ଚନା କରିକରି ରାଜ୍ୟବାସୀଙ୍କର କଲ୍ୟାଣ୍ ଲାଗି ଆଶିର୍ବାଦ୍ କାମନା କରିଛନ୍ ।

ମହାନବମୀ ପୂଜା ସମ୍ବଲପୁର/ସୋନପୁର/ବୌଦ୍ଧ/ନୂଆପଡ଼ା

ଜଗତ୍‌ଜନନୀ ମା ଦୁର୍ଗାଙ୍କର ଆଗମନ୍ତୁ ଗାଁ ନୁ ସହର ଉତ୍ସବମୁଖର ହେଇଛି । ଦୁର୍ଗତିନାଶିନୀଙ୍କର ଆବାହନ୍ତୁ ରାଜ୍ୟର ପୂଜା ମଣ୍ଡପ ମାନଙ୍କେ ନବମୀ ପୂଜା ରୀତିନୀତି ସହେତେ ଚାଲିଛି । ଘଟଘଟା ଶଙ୍ଖ ଧ୍ବନୀଥୁ ପୂଜାମଣ୍ଡପ ପ୍ରକର୍ମିତ ହେଉଛି । ଶକ୍ତିପୀଠମାନଙ୍କେ ଦର୍ଶନୀ ପୂଜା ଜାକ୍‌ଜମକ୍‌ଥୁ ହେଉଛି ।

ଅଧିଷ୍ଠାତ୍ରୀ ଦେବୀ ମା ସମଲେଶ୍ଵରୀ, ପାଟଣେଶ୍ଵରୀ, ବାଟମଙ୍ଗଳାଙ୍କର ସହେତେ ବାକି ଦେବୀ ପୀଠ ମାନଙ୍କେ ଜଗତ୍‌ଜନନୀଙ୍କର ଦର୍ଶନ ଲାଗି ଭକ୍ତମାନଙ୍କର ଭିଡ଼ ଲାଗି ରହିଛି । ସମ୍ବଲପୁର ଜିଲ୍ଲାର ଚିପିଲିମାର ଘଟଣେଶ୍ଵରୀ ପୀଠ ନ ଗଲାକାଏଲ୍ ଜଗନ୍ନାତ୍ରୀ ଦେବୀଙ୍କର ପୂଜା କରାଯାଇଥିବାର ବେଳେ ଆଏଜ୍ ଦର୍ଶନୀ ତିଥୁ ନ ଅପରାଜିତାଙ୍କୁ ଆବାହନ୍ କରାଯାଉଛି । ଇନ ହୋମ, ଯଜ୍ଞ ଆର୍ ଆଲ୍‌ତୀ ଦେଖିବାର ଲାଗି ଭକ୍ତମାନଙ୍କର ସମାଗମ ହେଇଥିଲା ।

ସମ୍ବଲପୁର ମହାନଗର ନିଗମ୍ ଇଲାକା ସହେତେ ଜିଲ୍ଲାର ବାକି ସହର ଆର୍ ଗାଁ ମାନଙ୍କେ ଜାକ୍‌ଜମକ୍‌ଥୁ ଦୁର୍ଗାପୂଜା ହେଉଛି । ମହାନଗର ନିଗମ୍ ଇଲାକାଥୁ ୨୪ ଟା ଜାଗା ସହେତେ ଜିଲ୍ଲା ନ ଶହେ ନୁ ଅଏତ୍‌କା ମଣ୍ଡପଥୁ ଦେବୀଙ୍କର

ପ୍ରତିମା ପୂଜା ଚାଲିଛି । ଉଚ୍ଚାଦରଜାର୍ ତୋରଣ୍ ସାଙ୍ଗେ ମଣ୍ଡପ୍  
ଆର୍ ଆଖର୍ପାଖର୍ ଇଲାକା ରଙ୍ଗୀନ୍ ଆଲୋକମାଳାଥ୍  
ଝଲ୍ସୁଛି ।

ସୁବର୍ଣ୍ଣପୁର୍ର ଇଷ୍ଟଦେବୀ ଆଏଜ୍ ରାଜରାଜେଶ୍ୱରୀ ପଦ୍ମ  
ବେଶଥ୍ ଉକ୍ରମାନ୍କୁ ଦର୍ଶନ୍ ଦଉଛନ୍ । ଇ ଅର୍ସରେ ଦେବୀଙ୍କୁ  
୧୨ ହଜାର୍ ୮ ପଦ୍ମଫୁଲ୍ ଲାଗି କରାଯାଇଥିଲା । ଅଟାଭାଡ଼ି  
ରାମ୍ ମନ୍ଦିରନ୍ ଉକ୍ରମାନେ ଚଙ୍ଗରାମାନ୍କେ ଗୁଟେ  
ଶୋଭାଯାତ୍ରାଥ୍ ପଦ୍ମଫୁଲ୍ ଆନିଥିଲେ । ଜିଲ୍ଲାର୍  
ଶକ୍ରପୀଠମାନ୍କେ ସୁଲଭ ପୂଜା ଚାଲିଥିବାର୍ ବେଳେ ଶତାଧିକ  
ପୂଜା ମଣ୍ଡପ୍ ନ ସାର୍ବଜନୀନ ଦୁର୍ଗାପୂଜା ପାରମ୍ପରିକ ରୀତିନୀତିଥ୍  
କରାଯାଉଛି । ଉଚ୍ଚା ତୋରଣ୍ ସହେତେ ରଙ୍ଗୀନ୍  
ଆଲୋକମାଳାଥ୍ ମନ୍ଦିର ଆର୍ ମଣ୍ଡପ୍ ମାନ୍କୁ ସଜାଯାଇଛି ।

ବୌଦ୍ଧ ଜିଲ୍ଲା ନ ମଣ୍ଡପ୍ ମାନ୍କେ ମହାନବମୀ ପୂଜା  
ଚାଲିଥିବାର୍ ବେଳେ ଅଧିଷ୍ଠାତ୍ରୀ ମା ଭୈରବୀଙ୍କର୍ ପୀଠ ନ  
ଦଶହରା ପୂଜା ହେଉଛି । ଜିଲ୍ଲାର୍ ଘଂଟାପଡ଼ା ନ ପ୍ରସିଦ୍ଧ  
ସମଲେଶ୍ୱରୀ ଯାତ୍ରାଥ୍ ବୌଦ୍ଧ, କଳାହାଣ୍ଡି, ବଲାଙ୍ଗିର୍ ଆର୍  
କନ୍ଧମାଲ୍ ଜିଲ୍ଲାର୍ ହଜାର୍ ହଜାର୍ ଉକ୍ରଙ୍କର୍ ସମାଗମ ହେଇଛି ।  
ଦେବୀଙ୍କର୍ ଖଣ୍ଡାଧୁଆ ପରର୍ ଉତ୍ତରୁ ଯାତ୍ରା ମୁଲ୍ ହେଇଥିଲା ।

ନୂଆପଡ଼ା ଜିଲ୍ଲାର ଗାଁ ନୁ ସହର୍ ସବୁଆଡ଼େ ବିଜୟା ଦଶମୀ  
ପାଳନ୍ କରାଯାଉଛି । ଉକ୍ରମାନେ ମାଙ୍କର୍ ଆଶିଷ ନେବାର୍  
ଲାଗି ପୂଜା ମଣ୍ଡପ୍ମାନ୍କେ ସମବେତ ହେଇଛନ୍ । ଜିଲ୍ଲା ନ ୩୦

ଟା ଜାଗା ନ ୯ ଦିନିଆ ପୂଜାର ଲାଗି ଭକ୍ତମାନଙ୍କର ଜବର ଭିଡ଼ ଦେଖିବାକୁ ମିଳିଛି । ଖଡ଼ିଆଲର ରାଜାପଡ଼ା ଆଉ ପଟ୍ଟନାୟକ ପଡ଼ା ମଣ୍ଡପ ନ ଜଗତଜନନୀ ମା ଦୁର୍ଗାଙ୍କର ଅପରାଜିତା ପୂଜା ଚାହୁଁଥିବା ଆଉ ସୁନାର ଆଭୂଷଣ ପରିଧାନ କରିଛନ୍ତି ।

ଝାରସୁଗୁଡ଼ା ଜିଲ୍ଲାର ଦେବୀପୀଠମାନଙ୍କର ସହେତେ ଝାରସୁଗୁଡ଼ା, ବ୍ରଜରାଜନଗର ବେଲପାହାଡ଼ ସହର ଆଉ ଜିଲ୍ଲାର ଗାଁ ମାନଙ୍କୁ ଦୁର୍ଗା ପୂଜା ହେଉଛି । ଜିଲ୍ଲା ନ ୯୭ ଟା ମଣ୍ଡପ ଯୁଦ୍ଧ ଦେବୀଙ୍କର ମୃଣ୍ମୟ ପ୍ରତିମାର ପୂଜା କରାଯାଇଛି ।

ରାଉରକେଲା ସହର ନ ଶହେ ନୁ ଅଧିକ ମଣ୍ଡପ ଦେବୀ ଦୁର୍ଗାଙ୍କର ମୃଣ୍ମୟ ପ୍ରତିମାର ପୂଜା ଚାଲିଛି । ସେନ୍ତା ସୁନ୍ଦରଗଡ଼ ସହେତେ ଜିଲ୍ଲାର ଭିନ୍ ଭିନ୍ ସହର ଆଉ ଗାଁ ମାନଙ୍କୁ ଭିଲ୍ ମଣ୍ଡପ ଦେବୀଙ୍କର ପୂଜା ଆୟୋଜନ ହେଉଛି ।

ଧର୍ମେନ୍ଦ୍ର ପ୍ରଧାନ- ଝାରସୁଗୁଡ଼ା      ଝାରସୁଗୁଡ଼ା ସମ୍ବାଦଦାତା

ଝାରସୁଗୁଡ଼ାର ସାର୍ବଜନୀନ ଦୁର୍ଗାପୂଜା ମଣ୍ଡପମାନଙ୍କୁ ଆସିବ କେନ୍ଦ୍ର ଶିକ୍ଷାମନ୍ତ୍ରୀ ଧର୍ମେନ୍ଦ୍ର ପ୍ରଧାନ ବୁଲିବାର ସହେତେ ଦେବୀଙ୍କର ଦର୍ଶନ କରିଛନ୍ତି । କେନ୍ଦ୍ର ଶିକ୍ଷାମନ୍ତ୍ରୀ ନୂଆଦିଲ୍ଲୀ ନ ବିମାନ ଝାରସୁଗୁଡ଼ା ବୀର ସୁରେନ୍ଦ୍ର ସାଏ ବିମାନ ବନ୍ଦର ନ ପୁରୁଷୋତ୍ତମର ଉତ୍ତରୁ ଝାରସୁଗୁଡ଼ା ରେଲ୍‌ଷ୍ଟେ

ଇନ୍‌ଷ୍ଟିଚ୍ୟୁଟ୍ ନ ଶହେ ବରଷନ୍ତୁ ଅଏତ୍‌କା ସମିଆ ଧରିକରି  
ହେଉଥିବା ଦୁର୍ଗାପୂଜା ମଣ୍ଡପ୍ ନ ପୁହୁଁଚିକରି ପୂଜାଅର୍ଚ୍ଚନା  
କରିଥିଲେ ।

ମହାବଳୀ ଯାତ୍ରା ସୁବର୍ଣ୍ଣପୁର ସମ୍ପାଦକାତା

ଯନ୍ତ୍ର, ମନ୍ତ୍ର, ତନ୍ତ୍ର ଉପରେ ଆଧାରିତ୍ ସୁବର୍ଣ୍ଣପୁରର ପ୍ରସିଦ୍ଧ  
ମହାବଳୀ ଯାତ୍ରା ମହାସମାରୋହଥ୍ ଅନୁଷ୍ଠିତ ହେଇଛେ ।  
ଖଣ୍ଡେଶ୍ୱରୀ ମନ୍ଦିର ପ୍ରାଙ୍ଗଣ ନ କଲାଧୋପ୍ ଛତ୍ରଧାରୀ  
ଚେପଟା ଢୋଲ୍ ଉପରେ ନୃତ୍ୟରତା ମହାବଳୀଙ୍କୁ ହଜାର୍  
ହଜାର୍ ଶ୍ରଦ୍ଧାଲୁ ଦର୍ଶନ୍ କରୁଛନ୍ । ଭୁବନେଶ୍ୱରୀ ଯନ୍ତ୍ରନ୍ତୁ  
ବରୁଆ ରୂପୀ ମହାବଳୀ ମାଲେଶ୍ରୀ ଗୀତ୍‌ର ବୋଲ୍ ଆର୍  
ଷ୍ଟୁଲ୍‌ହ ଭରନୀ ବଜାର୍ ତାଲ୍‌ଥ୍ ନାଚି ନାଚି ଶ୍ରଦ୍ଧାଲୁମାନ୍କୁ  
ଦର୍ଶନ୍ ଦେଇଛନ୍ ।

ପିଏମ୍ ଇଂଟର୍ନସିପ୍ ଯୋଜନା ଆରଏନ୍‌ୟୁ/ କଟକ୍

ପ୍ରଧାନମନ୍ତ୍ରୀ ଇଂଟର୍ନସିପ୍ ଯୋଜନାଥ୍ ଆଏଜ୍‌ଠାନ୍ତୁ ଆବେଦନ୍  
ପ୍ରକ୍ରିୟା ମୁଲ୍ ହେଉଛେ । ଇଚ୍ଛୁକ ପ୍ରାର୍ଥୀମାନେ ଆଏଜ୍‌ନ୍ତୁ ଇ  
ମାସର୍ ୨୫ ତାରିଖ୍‌ତକ୍

[www.pminternship.mca.gov.in](http://www.pminternship.mca.gov.in) ପୋର୍ଟାଲ୍

ଜରିଏ ଆବେଦନ କରିପାରବେ । ଇ ଇଂଚର୍ନସିପ୍ କାର୍ଯ୍ୟକ୍ରମର ସମିଆ ୧୨ ମାସ୍ ଧାରିଜ୍ କରାଯାଇଛେ । ୨୧ ନୁ ୨୪ ବରସ୍ ବୟସ ବର୍ଗର୍ ୧ କୋଟି ପ୍ରାର୍ଥୀଙ୍କୁ ୫ ବରସ୍ ଭିତ୍ରେ ଇଂଚର୍ନସିପ୍ ଯୁଗେଇ ଦେବାର୍‌କେ ସରକାର୍ ଲକ୍ଷ୍ୟ ରଖୁଛନ୍ । ଇ ଯୋଜନା ଅଧୀନ୍‌ଥ୍ ପ୍ରାର୍ଥୀମାନ୍କୁ ମାସ୍କ ୫ ହଜାର୍ ଟଙ୍କାର୍ ଆର୍ଥିକ୍ ସାହାଜ୍ ଦିଆଯିବା । ସେଥିର୍‌ଭିତ୍‌ରୁ ସାଡ଼େ ୪ ହଜାର୍ ଟଙ୍କା ସରକାର୍ ଆର୍ ୫ ଶହ ଟଙ୍କା କମ୍ପାନୀ ଇତାର୍ ସାମାଜିକ ଦାୟିତ୍‌ବୋଧ-ସିଏସ୍‌ଆର୍ ପାଣ୍ଟିନୁ ବହନ୍ କରବେ । ଇତାର୍ ବାହାରେ ଇଂଚର୍ନସିପ୍ ଜାଗା ନ ଯୋଗ୍ ଦେବାର୍ ଉତ୍‌ରୁ ଫି' ପ୍ରାର୍ଥୀଙ୍କୁ କର୍ପୋରେଟ୍ ବ୍ୟାପାର୍ ମହଣାଲୟ ତରଫୁ ଆନୁସାଙ୍ଗିକ କାର୍ଯ୍ୟ ଲାଗି ଏକମୁସ୍ତ୍ କରି ୬ ହଜାର୍ ଟଙ୍କା ଦେବାର୍ ବ୍ୟବସ୍ଥା କରାଯାଇଛେ । ୫ ବରସ୍ ଭିତ୍ରେ ଶ୍ରେଷ୍ଠ ୫ ଶହ କମ୍ପାନୀ ୧ କୋଟି ଯୁବବର୍ଗଙ୍କୁ ଇ ଯୋଜନାଥ୍ ସାମିଲ୍ କରବାର୍ ଲକ୍ଷ୍ୟ ରଖୁଛେ ।

ପ୍ରତ୍ୟକ୍ଷ ଟିକସ୍ ସଂଗ୍ରହ

ଆର୍‌ଏନ୍‌ୟୁ/ କଟକ୍

ଚଲ୍‌ତି ଆର୍ଥିକ୍ ବଛରେ ଦେଶର୍ ନେଟ୍ ପ୍ରତ୍ୟକ୍ଷ ଟିକସ୍ ଆଦାୟ ୧୮ ଦଶ୍‌ମିକ୍ ୩/୫ ପ୍ରତିଶତ୍‌କେ ବଢ଼ିଛେ । ଇହାଦେର୍ ସମିଆଥ୍ ସବୁ ମିଶିକରି ୧୧ ଦଶ୍‌ମିକ୍ ୨/୫ ଲକ୍ଷ କୋଟି ଟଙ୍କାର୍ ଟିକସ୍ ୠଳାଯାଇଥିବାର୍ ସରକାରୀ ସୂତ୍ରନ୍

ଜନାପଡ଼ିଛି । ଠୁଳାଯାଇଥିବାର ଟିକସ ଭିତରୁ କମ୍ପାନୀ  
ଟିକସ ପରିମାଣ ୪ ଦଶମିକ ୯/୪ ଲକ୍ଷ କୋଟି ଟଙ୍କା  
ଥିବାର ବେଳେ ବ୍ୟକ୍ତିଗତ ଆୟକର ପରିମାଣ ୫ ଦଶମିକ  
୯/୮ ଲକ୍ଷ କୋଟି ଟଙ୍କା ରହିଛି ।

ମୁଖ୍ୟମନ୍ତ୍ରୀ ଅଭିଯୋଗ ଶୁଣାଣି      ଆରବନ୍ଧୁ/ କଟକ

ଆଏବା ସୋମ୍ବାର ଦିନ ମୁଖ୍ୟମନ୍ତ୍ରୀ ଜନ ଅଭିଯୋଗ ଶୁଣାଣି  
ବନ୍ଦ ରହେବା । ଦୁର୍ଗପୂଜା ଭସାଣି ଆର ମୁଖ୍ୟମନ୍ତ୍ରୀଙ୍କର  
ଅଲଗା ଗୁରୁତ୍ୱପୂର୍ଣ୍ଣ ସରକାରୀ କାମ ଥିବାରୁ ଭୁବନେଶ୍ୱର  
ୟୁନିଟ୍-୫ର ଅଭିଯୋଗ ପ୍ରକୋଷ୍ଠ ନ ଶୁଣାଣି ବନ୍ଦ ରହେବା ।  
ଇ ବାବଦେ ସାଧାରଣ ପ୍ରଶାସନ ଆର ସାଧାରଣ  
ଅଭିଯୋଗ ବିଭାଗ ତରଫୁ ବିଜ୍ଞପ୍ତି କୁହାଯାଇଛି ।

ବେଟି ବଚାଓ -ବେଟି ପଢ଼ାଓ      ସମ୍ବଲପୁର/ ଦେବଗଡ଼

ଶାରଦୀୟ ନବରାତ୍ର ଅବସରେ ସମ୍ବଲପୁରର ତପସ୍ୱିନୀ  
ପେନ୍ଥାଲୟ ଠାରେ ବିକାଶ ଫାଉଣ୍ଡେସନ୍ ତରଫୁ ବେଟି ବେଚାଓ-  
ବେଟି ପଢ଼ାଓ ଅଭିଯାନ ଶିଶୁ କନ୍ୟା ଶୁଭକଲ୍ୟାଣ ସମାରୋହ  
କାର୍ଯ୍ୟକ୍ରମ କରାଯାଇଥିଲା । ଇଥି ବିଧାୟକ ଜୟନାରାୟଣ ମିଶ୍ର,  
ବିକାଶ ଫାଉଣ୍ଡେସନ୍ର ଅଧ୍ୟକ୍ଷା ମୃଦୁଳା ଠାକୁର ପ୍ରଧାନ କୁନୁଆଁ



ଭାବେ ଯୋଗ ଦେଇଥିଲେ । ଦେଶେ ନୀରୀର ସମ୍ମାନ ସବୁବେଳେ ଆଗାଡ଼େ ରହିଛି । ଝିଅମାନେ ପାଠପଢ଼ିକରି ଆଗକେ ବଢ଼ୁଛନ୍ । ପ୍ରଧାନମନ୍ତ୍ରୀଙ୍କର ଆହ୍ୱାନ ଥି ବେଟି ବଚାଓ-ବେଟି ପଢ଼ାଓ ଅଭିଯାନକେ ବିକାଶ ପାଉଣ୍ଡେସନ୍ ତରଫୁ ଆଗକେ ଅଗ୍ରସର କରବାରକେ ଚେଷ୍ଟ କରାଯାଉଛି ବଲି ସଭା ଥି କୁହାଯାଇଥିଲା । ସଭା ଆଗରୁ ସଦର ଡାକ୍ତରଖାନା ନ ଶିଶୁକନ୍ୟାମାନକୁ ସମର୍ଥନ କରାଯାଇଛି ।

ହେତୁ ଦେବଗଡ଼ ଜିଲ୍ଲା ନ ପାଉଣ୍ଡେସନ୍ର ଶିଶୁ କନ୍ୟା ଶୁଭକଲ୍ୟାଣ ସମାରୋହ କାର୍ଯ୍ୟକ୍ରମ ଶ୍ରୀମତୀ ପ୍ରଧାନ ବେଟି ବଚାଓ-ବେଟି ପଢ଼ାଓ ଆର ସୁକନ୍ୟା ସମୃଦ୍ଧି ଯୋଜନା ଜରିଏ ଟୁକେଲ୍ ଛୁଆମାନଙ୍କର ଉନ୍ନତି ଉପରେ ଜୋର ଦେଇଥିଲେ ।

ସମ୍ବଲପୁର- ସଡ଼କ୍ ଘାଟେ ବୁଡ଼ି ୨ ମୃତ ସମ୍ବଲପୁର ସମାବଦାତା

ସମ୍ବଲପୁର ବଡ଼ବଜାରର ସଡ଼କ୍ ଘାଟ ନ ଗଲାକାଏଲ୍ ମହାନଦୀ ଥି ବୁଡ଼ିକରି ନିଖୋଜ ଥିବା ୨ ଝନ୍ ପିଲାଙ୍କର ମୃତ ଦେହ ଆଏଜ୍ ଦମ୍ବଲ୍ ବାହିନୀ ଉଦ୍ଧାର କରିଛନ୍ । ଇ ଦୁର୍ଘଟଣା ଥି କେନ୍ଦ୍ରଶିକ୍ଷାମନ୍ତ୍ରୀ ଧର୍ମେନ୍ଦ୍ର ପ୍ରଧାନ ଗଭୀର ଶୋକପ୍ରକାଶ କରିଛନ୍ । ଇଥି ଭାସିଯାଇକରି ଜୀବନ୍

ହରେଇଥିବାର ଛୁଆମାନଙ୍କର ଶୋକସନ୍ତପ୍ତ ପରିବାରକେ  
କେନ୍ଦ୍ରଶିକ୍ଷାମନ୍ତ୍ରୀ ସମବେଦନା ଜନେଇଛନ୍ ।

ଇନ ଜନେଇ ଦିଆଯାଇପାରେ ଯେ, କ୍ଷେତ୍ରରାଜପୁର ତିଓରୀ  
ଗଲି ଇଲାକାର ୩ ଝନ୍ ସ୍କୁଲ ଛୁଆ ନଦୀ ଆଡ଼କେ ବୁଲି  
ଆସିଥିବାର ବେଳେ ଇ ଦୁହି ଛୁଆ ଗାଧବାର ଲାଗି  
ପାଏନକେ ଉତ୍ରିଥିଲେ । ପୁଲିସ୍ ଇ ଘଟନା ବାବଦେ  
ଅବତ୍ତକା ଅନୁସନ୍ଧାନ ଚଲେଇଛନ୍ ।

ତମାଖୁ ମୁକ୍ତ ଅଭିଯାନ                      ଆରବନ୍ୟୁ / ସମ୍ବଲପୁର

ଯୁବ ସମାଜ ଲାଗି ତମାଖୁ ମୁକ୍ତ ଅଭିଯାନ - ତୁ ପଏଂଟ୍ ଜିରୋ  
ଚାଲିଛେ । ଗଲାମାସର ୨୪ ତାରିଖନୁ ମୁଲ୍ ହେଇଥିବାର  
ଇ ଅଭିଯାନ ଆଏବା ମାସର ୨୩ ତାରିଖତକ୍ ଚାଲ୍ବା ।  
ସ୍ବାସ୍ଥ୍ୟ ଆଉ ପରିବାର କଲ୍ୟାଣ ବିଭାଗ୍ ତରଫୁ ତମାଖୁ  
ସେବନୁ ହେଉଥିବାର ଭିନ୍ ଭିନ୍ ରୋଗ ବାବଦେ  
ସଚେତନ୍ କରାଯିବାର ସହେତେ ଯୋଗ ଆର୍ ଧାନ୍  
ଅଭ୍ୟାସ୍ କରବାର, ସ୍ବାସ୍ଥ୍ୟକର ଖାଦ୍ୟ ଖାଏବାର ବାବଦେ  
ଲୁକ୍କୁ ଅବଗତ କରାଯାଉଛେ ।

ପୁର୍ବଲ୍                      ଆରବନ୍ୟୁ/ ସମ୍ବଲପୁର

ସମ୍ବଲପୁର ଜିଲ୍ଲା କୁଟିଣ୍ଡାର ମୁକୁନ୍ଦି ପଡ଼ିଆଠାରେ ଚାଲିଥିବାର  
ଜୟଦୁର୍ଗା ପୁସ୍ତକ ଚୁର୍ଣ୍ଣାମୋଚ୍ଚ ସିଙ୍କଲପୋଷି ମହାବୀର  
କ୍ଲବ୍ ଚମ୍ପିଆନ୍ ହେଇଥିବାର ବେଳେ ତୁରେଇ ନିକ୍ରିମାଲ୍  
ଟିମ୍ ରନସର୍ଭିସ୍ ହେଇଛନ୍ । ଚୁର୍ଣ୍ଣାମୋଚ୍ଚ ୧୭ ଟା  
ପୁସ୍ତକ ଦଲ୍ ଭାଗ୍ ନେଇଥିଲେ । ସେମିଫାଇନାଲ୍‌ଥି  
କୁଟିଣ୍ଡା ବିଏଫ୍‌ସି ନୁ ତୁରେଇ ନିକ୍ରିମାଲ୍ ଆର୍ ଭାଲୁବାହାଲ୍  
ଏଫ୍‌ସିନୁ ସିଙ୍କଲପୋଷି ଟିମ୍ ଜିତିକରି ଫାଇନାଲ୍‌ଥି  
ପୁସ୍ତକିଥିଲେ ।

ପାଣିପାଗ ଆରବନ୍ଧୁ/ କଟକ

ରାଏଜେ ଆଏବା ଦୁଇଦିନ ଭିତରେ ଦକ୍ଷିଣ ପଶ୍ଚିମ ମୌସୁମୀ  
ବାୟୁ ଫିରବା ବଲି ପାଣିପାଗ ବିଭାଗ୍ ତରଫୁ ଅନୁମାନ୍  
କରାଯାଇଛେ । ଗଲା କିଛି ଦିନ୍ ହେଲା ରାଏଜେ ମୌସୁମୀ  
ଦୁର୍ବଲ୍ ରହେବାର ସହେତେ ବର୍ଷାର୍ ମାତ୍ରା କମିଛେ ।  
ସେଆଡ଼େ ଗଲା ୨ ଦିନ୍ ଧରିକରି ତାତି ୨ ନୁ ୩ ଡିଗ୍ରୀ  
ସେଲ୍‌ସିଅସ୍ ବଢ଼ିଛେ । ଆଏବା ୨୪ ଘଂଟା ଭିତରେ ଉତର  
ଓଡ଼ିଶା ଆର୍ ଦକ୍ଷିଣ ଓଡ଼ିଶାର ଗୁଟେ ଦୁଇଟା ଜାଗା ନ  
ବର୍ଷାର୍ ଅନୁମାନ୍ ଅଛେ ବଲି ପାଣିପାଗ୍ ବିଭାଗ୍ ତରଫୁ  
ସୂଚନା ଦିଆଯାଇଛେ ।